

आकाशवाणी जयपुर-अजमेर
प्रादेशिक समाचार
दिनांक : 31.08.2026 समय : 18.45 बजे

- दुनिया मांय अनिश्चितता रे बावजूद भारत री माली व्यवस्था रो उम्मीद ऊं बेहतर प्रदर्शन-चालू माली साल रा पहला तीन महीना मांय जी.डी.पी. री बधोतरी रेट 7 दशमलव 8 फीसदीं
- राज्य रा 309 नगर निकायां मांय व्हेवण वाळा चुनाव सारू पर्चा दाखिल करण रो काम पूरो व्ह्यो- 21 हजार ऊं बत्ता उम्मीदवार पर्चा भर्यां
- राजस्थान पुलिस साइबर ठगी रा नुवा तरीका बॉस स्कैम ऊं सावचेत रेहवण री अरज कीनीं
- प्रदेश मांय चौमासा री बिरखा मंदी-19 जिलां मांय हाल ताई सामान्य ऊं कम पाणी बरस्यो

000

चालू माली साल री पहली तिमाही मांय देश री जी.डी.पी. मांय सात दशमलव आठ फीसदी री बधोतरी व्ही हैं लारला माली साल री इण ई मियाद मांय आ रेट छह दशमलव नौ फीसदी हीं दुनिया री माली चुनौतियां रे बावजूद भारत री माली व्यवस्था मांय विकास री रफ्तार बरकरार राख र उम्मीद ऊं बेहतर रहीं चालू माली साल री पहली तिमाही मांय नॉमिनल जी.डी.पी. मांय ई दस दशमलव तीन फीसदी री बधोतरी व्ही हैं सांख्यिकी अर कार्यक्रम क्रियान्वयन मंत्रालय आज चालू माली साल मांय अप्रैल ऊं जून महीना ताई सारू जी.डी.पी. रा तिमाही अनुमान जारी कीनां

000

प्रदेश मांय आवता महीना व्हेवण वाळा 309 नगर निकायां रा चुनाव सारू पर्चा दाखिल करण रो काम आज पूरो व्हे ग्यों नामपाना दाखिल करण रा आखिरी दिन आज नामांकन केन्द्रां माथे मोटी तादाद मांय उम्मीदवार वां रा हिमायतियां सागे पर्चा दाखिल करण सारू पूग्यां संवारे 10 बज्यां सारू व्ह्यो नामपाना दाखिल करण रो सिलसिलो दोपहरां पाछे 3 बज्यां ताई चाल्यो कठे-कठे उम्मीदवार आप-आप रा समर्थकां सागे ढोल-नगाड़ा बजाता थकां नाम-निर्देशन पत्र पेश करण सारू पूग्यां भाजपा अर कांग्रेस दोन्यू खास पार्टियां कुछ वाडां मांय उम्मीदवारां री लिस्ट जारी नी कीनी अर सीधा ई उम्मीदवारां ने चुनाव चिन्ह सूप्यां कठे-कठे टिकट रा बंटवारा ने ले र दावेदारां मांय नाराजगी ई निजर आयीं न्यारी-न्यारी पार्टियां सागे ई निर्दलीय उम्मीदवारां मांय ई नामपाना दाखिल करण रो उमाव रह्यो 10 हजार 245 वाडां सारू 21 हजार ऊं बत्ता उम्मीदवार 26 हजार ऊं बत्ता पर्चा दाखिल कीनां नामपाना री जांच काल करी जावेलां नाम 3 सितम्बर ताई पाछा लिया जा सकेलां निकाय चुनाव सारू 9 अर 11 सितम्बर ने वोट पड़ेलां वोटों री गिणती 14 सितम्बर ने करी जावेलां ई बीचे निकाय चुनाव मांय जनता री भागीदारी बधावण सारू भांत-भांत रा कार्यक्रम राख्या जा रह्या हैं वोट देवण वाळां ने रैली, रंगोली अर न्यारा-न्यारा सम्मेलनां रे ज़रिए लोकतंत्र रा महापर्व मांय भागीदारी निभावण री अपील करण सागे ई बिना लोभ कर्क्यां सोच-समझ र वोट देवण री अरज करी जा रही हैं

000

राजस्थान पुलिस जनता ऊं साइबर ठगी रा नुवा तरीका बॉस स्कैम ऊं सावचेत रेहवण सारू चेतायो हैं पुलिस रा अतिरिक्त महानिदेशक वी.के. सिंह बतायो के ई तरीका मांय अपराधी सोशल मीडिया रे जरिये लोगों री जाणकारी हासिल कर र न्यारा-न्यारा संस्थानां रा आला अहलकार बण र ठगी करण री कोशिश करे हैं पुलिस किण ई माली लेन-देन अर डेटा संबंधी पुष्टि सारू मल्टी लेवल अप्रूवल सिस्टम लागू करण री अपील कीनी हैं ई बीचे डीग मांय ऑपरेशन काउंट डाउन रा तैत दिल्ली

पुलिस री मदद ऊं एक संगठित साइबर अपराध—सिंडीकेट रो पर्दाफाश करी ज्यो हैं डीग रा एस.पी. काम्बले शरण गोपीनाथ बतायो के आरोपित लोगां ने बैंक रा क्रेडिट कार्ड दिरावण रो झांसो दे र ठगी कर रह्या हां

.....

प्रदेश मांय खाण—पीण री चीजां मांय मिलावटखोरी रे खिलाफ लगातार कार्रवाई करी जा रही हैं ई सारु न्यारा—न्यारा प्रतिष्ठानां अर गोदामां माथे छापा मार र खाण—पीण री चीजां रा नमूना लिया जा रह्या हैं खराब अर मियाद पार सामग्री मिलण परां वां ने खत्म करायी जा रही हैं जयपुर रो केन्द्रीय दल बीकानेर रा बीछवाल हलका मांय एक गोदाम ने सीज़ कर दीनों खाद्य सुरक्षा अधिकारी बतायो के ई गोदाम ऊं मिठाइयां रा नमूना ले र जांच सारु प्रयोगशाला मांय भेजी ज्या हैं

000

सिरोही ज़िला रा रेवदर हलका मांय कांडला हाईवे माथे होलागरा कने कार अर मोटरसाइकिल री टक्कर रे कारण तीन जणां री मौत व्हे ग्यी अर दो जणा घणा ज़ख्मी व्हे ग्यां ज़ख्मी लोगां ने अनादरा रा अस्पताल मांय भर्ती करायी ज्या हैं

000

प्रधानमंत्री नरेंद्र मोदी 26वां शंघाई सहयोग संगठन—एस.सी.ओ. शिखर सम्मेलन मांय शामिल व्हेवण सारु आज किर्गिस्तान री राजधानी बिश्केक पूग्यां दो दिन रा ई दौरा रा तैत श्री मोदी आज वठे रा राष्ट्रपति सादोर जापारोफ सागे मीटिंग कीनीं श्री मोदी ईरान रा राष्ट्रपति मसूद पेजेशिकयन सागे ई मुलाकात कीनीं आतूणी एशिया मांय लारला दिनां उपजा हालात रा बारा मांय प्रधानमंत्री कह्यो के सगळा मुद्दां ने बातचीत अर कूटनीति रे जरिए सुलझाया जावणा चाहिजें श्री मोदी ई हलका मांय शांति अर थरता तैय करण सारु लगातार कोशिशां री ज़रूरत माथे ज़ोर दीनों इण ऊं पैली प्रधानमंत्री मोदी बिश्केक मांय आर्मीनिया रा प्रधानमंत्री निकोल पाशिन्यान सागे मुलाकात कर र हिफाज़त, माली व्यवस्था अर तकनीक समेत न्यारा—न्यारा हलकां मांय मदद रा बारा मांय चर्चा कीनीं श्री मोदी बिश्केक मांय महात्मा गांधी स्मारक जा र वठे फूल चढ़ा र बापू ने सिरधाभाव सागे याद कीनां प्रधानमंत्री रे बिश्केक पूगण परां वठे बस्योड़ा भारत रा लोगां री ओर ऊं सांस्कृतिक प्रस्तुतियां सागे वां रो स्वागत करी ज्यो प्रधानमंत्री रो काल बिश्केक मांय शंघाई सहयोग संगठन रा 26वां शिखर सम्मेलन ने सम्बोधित करण रो कार्यक्रम हैं

000

सुप्रीम कोर्ट देश मांय न्यारा—न्यारा पेट्रोल पंप माथे मिलण वाळा पेट्रोल मांय मौजूद एथेनॉल री सटीक मात्रा बतावणो ज़रूरी करण री मांग करण वाळी अर्जी माथे सुणवाई ऊं नट ग्यो हैं एक वकील कानी ऊं दायर अर्जी मांय एथेनॉल भेळ र दिया जा रह्या पेट्रोल रे गाड़ियां रे अनुकूल व्हेवण रा बारा मांय बत्ती साफगोई रा हुकम देवण री मांग करी ज्यी हीं न्यायमूर्ति एम.एम. सुंदरेश अर न्यायमूर्ति प्रसन्ना बी वराले री पीठ अर्जी माथे सुणवाई ऊं नटता थकां वकील ने शिकायत संबंधित हाईकोर्ट मांय दायर करण री छूट दीनीं अर्जी मांय पेट्रोल पंप रा हर नोज़ल माथे अर पेट्रोल पम्प ऊं मिली रसीद माथे एथेनॉल रो प्रतिशत मांडण री अरज करी ज्यी हीं

अर्जी मांय सरकार ऊं ई-20 पेट्रोल री उपयुक्तता रा बारा मांय वाहनवार आधिकारिक सूची जारी करण री मांग ई करी ज्यी हीं

000

राष्ट्रपति द्रौपदी मुर्मू कह्यो है के कपड़ा हलको भारत री सांस्कृतिक विरासत रो खास हिस्सा व्हेवण सागे ई लाखां लोगां री काम-कमाई रो जरियो हैं वे राष्ट्रीय फैशन प्रौद्योगिकी संस्थान-निपट रा दीक्षांत समारोह मांय बोल रही हीं राष्ट्रपति विद्यार्थियां ऊं विरासत अर मूल्यां ऊं जुड़्या रह र वैश्विक नजरियो अपनावण सारू कह्यो वे कह्यो के फैशन अर वस्त्र प्रौद्योगिकी रा हलका मांय भारत री दुनिया मांय मौजूदगी बधावण री घणी संभावनावां हैं

.....

प्रदेश मांय चौमासा री बिरखा मंदी पड़बा पाछे अब 3 सितम्बर ऊं बारिश रो नुवो दौर सुरू व्हेवण रा आसार हैं मौसम विभाग रे मुजब 4 ऊं 7 सितम्बर बीचे भरतपुर, कोटा, जयपुर, अजमेर अर उदयपुर संभाग मांय गरज सागे बिरखा व्हेवण री संभावना हैं ई दौरान कोटा संभाग अर आरे-सारे रा हलका मांय कठे-कठे जोरदार मेह बरसबा रा आसार हैं दूजी कानी राज्य रा आतूणी हलकां मांय आवता कुछ और दिन बिरखा मंदी रेहवण री संभावना हैं प्रदेश रा आतूणी हलका रा बीकानेर संभाग अर ऊगणी राजस्थान रा शेखावाटी हलका मांय कठे-कठे बिरखा व्हे सके हैं जल संसाधन विभाग रे मुजब प्रदेश मांय चौमासा री ई रूत रे दौरान हाल ताई सामान्य ऊं करीब 18 फीसदी कम मेह बरस्यो हैं 362 मिलीमीटर सामान्य बरसात रे मुकाबले हाल ताई 295 मिलीमीटर बिरखा व्ही हैं राजधानी जयपुर, बांसवाड़ा, बारां, भीलवाड़ा, बूंदी, सवाईमाधोपुर, जैसलमेर अर उदयपुर समेत उन्नीस जिला मांय कम बारिश व्ही हैं

सिर्फ डीग अर फलौदी मांय सामान्य ऊं बत्तो मेह बरस्यो है, जदके अजमेर, अलवर, भरतपुर, चूरू, बाड़मेर अर बीकानेर समेत 20 जिलां मांय हाल ताई सामान्य बरसात व्ही हैं

000

प्रदेश मांय आज कजली तीज रो त्यौहार मणायो जा रह्यो हैं ई मौके महिलावां व्रत राख र पूजा-अर्चना कर रही हैं सिरौही समेत न्यारा-न्यारा जिलां रा गांवाई हलकां मांय ई खास उमाव निजर आयो अजमेर मांय ई सातूड़ी तीज रे मौके सुहागिनां 16 श्रृंगार कर र तीज माथे री पूजा कर्यां पाछे सातू खा र व्रत खोलेलां

000